

SPEX TIME
 Wye reeks bekende handelgmerke
 Tel/faks. 054 332 6610
 Winkel 14 • Ancorley-arkade • Uppington

KONTREI

NOORD-KAAP

Oupa sê dis sy laaste vlug

Vlieg met helikopter

■ FRANS COETZEE

BARKLY-WES. – Rietskraal, geklee in swart skoene, 'n swart langbroek, geruite hemp en kakie-kleurige kops met 'n helikopter-embleem het Oupa Sollie Motsamai (82) die viersitplek-helikopter verlede Woensdag hier op die Mattanu-wildplaas bewonder.

Krom, met die olienhoutkierie stewig tussen die seningrige vingers geklem, het die grysaard stadig rondom die meganiese voël geskuifel.

"Hoe lyk hy vir Oupa?" het Johann Kriek, helikopter-vlieënier gevra.

"Gits man, heel skaflik," het Oupa geantwoord. "Sommer baie groter as die ou tweesitplekkie."

Met die "ou tweesitplekkie" het Oupa Sollie en Johann se pa, dr. Johan Kriek, vroeër talle vlugte oor die wildplaas onderneem.

Toe het die vlieënier die afgestudeerde plaaswerker in die vliegmasjien gehelp, die veiligheidsgeroel verstel en die oorfone op sy kop geplaas.

Vir 'n wyle het Johann die kontroles nagegaan, die enjin aan die gang gesit en die lugsproef gedraaf.

In die lug was Oupa Sollie besonder stil. Hy het gemaklik in die skerp draaispirale gelê terwyl die helikopter nader aan die wild op die vlakke gedruk het.

"Nou gaan ons bietjie boontoe, Oupa," het Johann geskerts. "Eyk, ons raak byna aan die wolke. Geniet Oupa dit?"

"Janaa," het Oupa gesteun.

Terug op die vaste aarde het Oupa belangstellend gekyk hoe Johann die beheerpaneel afskaakel.

"Hoekom pomp jy so met die voete," wou hy weet.

"Dis vir die stert-rotor. Later dink jou voete sommer vir hulself as jy 'n dwarswind tref."


Oupa Sollie het vertel hy is op die plaas Rooipan naby Jacobsdal gebore. In sy lewe het hy op verskeie plese in die Noord-Kaap gewerk, voordat hy tuinier vir dr. Kriek was.

Johann het voor hom grootgeword. Deesdae bly hy by 'n dogter in Beaconsfield, Kimberley.

"Ek was oppgewonde toe Johann sê hy wil my met die helikopter opvat. Dit is my laaste vlug," het Oupa agterna gemymmer.

"As die Here nou roep, sal ek ja sê. My lewe is verby.

"Miskien, as ek my lewe kon oorkry, sal ek 'n helikopter-pilot wil wees."



SY laaste vlug. Oupa Sollie Motsamai (82) kyk na Johann Kriek, vlieënier, terwyl hulle hoog oor die aarde skeer. (sien foto's van plesierflug op bl. 9.) FOTO: FRANS COETZEE

BYLAE TOT VOLKSBLAD, WOENSDAG 30 JANUARIE 2008

KONTREI 7



BARKLY-WES. – Oupa Sollie Motsamai (82), 'n afgestudeerde plaaswerker van 'n wildplaas op Barkly-Wes wat deesdae in Kimberley woon, het verlede Woensdag sy laaste helikopter-vlug by sy voormalige werkgewer se seun in 'n Robinson R44 Raven II-viersitplek-helikopter belewe. Hier is 'n fotobeeld van die grysaard in vlug oor die wildplaas Mattanu.

HOOG bo die aarde. FOTO'S: FRANS COETZEE



BUFFELS op die groen vlakke.

OUPA SOLLIE MOTSAMAI bekyk swart-witpense uit sy vliegstoel.



MNR. JOHANN KRIEK (links), vlieënier, en **Oupa Sollie Motsamai** (82), net voor die opstyg.

WWW.VOLKSBLAD.COM



PLESIERVLUG VIR OUDWERKER: Oupa Sollie Motsamai (82) van Kimberley, 'n oudplaaswerker van dr. Johann Kriek, veearts en bekende wildboer van Barkly-Wes, was gister 'n passasier in die Krieks se splinternuwe Robinson R44 Raven II-viersitplek-helikopter op 'n plesierflug oor die wildplaas. Mnr. Johann Kriek (links), oudste seun, was die vlieënier. Vroeër jare het Motsamai verskeie vlugte saam met dr. Kriek in sy vorige tweesitplek-helikopter hier onderneem.

FOTO: FRANS COETZEE